

مشتاقنامه

محل مطبعه و اداره :

جغسال اوغلانده امنيت
صندوغى جوارنده
شنگول يقوشنده
۲۷ نومرو

امضای :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دیر ، فلسفه ، علوم ، حقوق ، ادبیات تاریخ ، سیاست ، و بالخاصه احوال و شئون اسلامیه بحث ایدر و هفته ده بر نشر اولنور .

آبونه بدلی

صاحب و مؤسسلری :

درسعادتده نسخہ سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قیرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیلانی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتنجی جلد

۸ ربیع الاول پنجشنبه ۲۴ شباط ۳۲۶

عدد : ۱۳۱

وقرا کلق زنداندن قوتارمش و بوجاهد محترمده حیات و حریتہ
قاووشنجه ، بلا توقیف غروب ایدن « هلال » ک یرینه « شهاب ثاقبی »
یاغیرمهیه باشلامشدر .

بویله همتلی قرداشلر ظهور و تکثر ایتدکجه « هلال » حقنی النیه
قزانیر دشمنلرینه قارشی « تیمور قازیق » کبی دیکیلوب اصلا بآتماز...

اتحاد اسلام حرکتی

« نوویه وره میا » غزته سندن :

« کچنارده تلغراف آژانسى ، ایرانده اتحاد اسلام حقنده نشر اولنان
بیاننامه نك توجه عمومی به مظهر اولمادیغنی بیلدیر یوردی . بوقیصه جق
جمله لری بیوک بر معنایى حاویدر . فارسیجه نشر اولنان « شمس » غزته سی ،
احمد ضیا بك نامنده بر ذاتك ایران علماسی نزدنده بروظیفه مخصوصه
ایفا ایلمك اوزره ایرانه واصل اولدیغنی یازمشدی . مومی الیه ، ترك
قومیتنه منسوب اولمقله برابر « اتحاد و ترقی » جمعیتله ده صیقى مناسباتده
بولنمقده در . احمد ضیا بك ، صاحب ثروت بر ذات اولوب ، بروظیفه
ایله تأمین معیشته مجبور بولندیغندن یالکیز اتحاد اسلام اوغورنده
چالیشمغه حصر وجود ایلمشدر .

« نوویه وره میا » غزته سی کنج ترکله پان اسلامیزم املتی اسناد ایلمك
دیورکده : « عثمانلى اداره جدیده سنك رجال مشغوله سی ، دولت عثمانیه نك
راحت بر اقلمقندن بشقه بر آرزوسی بولندیغنی و مشاغل داخلیه سنك
کثرتی سببیه کنديسنك هیچ برکونا آمال خیالپرورانه قایلیمق زمانى
اولمادیغنی صیق صیق اعلان و بیان ایلمكده درلر . حالبوکه عین زمانده
« اتحاد و ترقی » جمعیتله صیق مناسباتی بولنان بعض ذوات و غزته لر ،
ایران ، آسیای وسطی ، هندستان و مصرده اتحاد اسلام افکارى نشر
ایلمك دوا ایتمكده درلر . بویولده ابراز اولنان فعالیتك ماهیت سیاسیه سی ،
عثمانلى امپراطورلغنی مرکز اسلامیت و حکمدارینى ده ملل اسلامیه نك
رئیس عمومیسى اتخاذ ایلمكدن عبارتدر .

کچن عصر ظرفنده اوروپا اقوامنك حرکات تاریخیه سی ، هر قومك
کسب استقلال ایله برر حکومت ملیه تأسیس ایتسی امانى تعقیبیدن
عبارت ایدی . اتحاد اسلام آمالی ایسه ملیت حدودى داخلنه
صیغما مقده در . آمال مذکورده ، اقوامى ، بر رابطه قومیه دکل ، مناسبات
دینی و واسطه سببه توحید ایتك ایستور .

اتحاد اسلام املنك حیز حصوله کلسی ، حیات حاضرده نك تاریخده کی
صلیب احمر دورلرینه یعنى بتون اوروپا ، آسیا و آفریقانك اسلاملق
و خرسیتیانلق عالملى دییه ایکی قسمه آیرلدىنی زمانه عودت ایلمسى
دیمکدر .

تاریخی تبدیل ایتك ممکن دکدر . فقط قائل مصداقه لر تولید
ایده جك ماهیتده هیجان حصوله کتیرمك کوچ برشی دکدر .
اتحاد اسلام تعصبى نتیجه سی اوله رق حصوله کلن ایجان وقعه سی
خاطر لرده در . بوکون هندستان ، مصرده اتحاد اسلام حرکتی مشاهده
اولنمقده در . اهالى اسلامیه نك کثیر بولندیغنی ممالك واسعه ده اتحاد

اولان مساعیسى تدقیق ایدرك بو وطنداشارینى دهایی طانیه بیلیردی .
روسیه ده اسلامیت بیوک بر عنصر اقتصادى حالى آلمش و کندی ترقیسنه
چالشمقله برابر ترقیات ملییه ده صرف غیرت ایتمكده بولنمشدر . روسیه ده
صرف ایدیلن مساعى عالم اسلامك مرکزنده ، ترکیه ده دماجرا ایدلمشدر .
بونکله برابر روس اسلاملى ترقیات اقتصادیه طوغری یاواش و متردد
خطوات ایله ایلر یلمكده در .

قافقاسیه ده طوغوب باتان ، هلال ،

کچن هفته نك شتونی صره سنده ، قافقاسیاده « هلال » آدلى بر
آرقداشمزك چیقدیغنی و اوچنجی نسخه سندن اعتباراً روس پولیسى
طرفندن قبادیلدیغنی یازمشدق . بو هفته قبادیلمه سنى انتاج ایتش اوچنجى
نومروسى اداره خانه مزه کلدی . بونی کوروبا کلا دق که روسلرک
جبریه شهیدلک کورنمز 'ولان بو « هلال » ، بزم مسلمان - هلالك
یاریم عصرلق افولندن صوکره قافقاسیاده تکرار طلوعى ایش ...
« هلال » قارده شمزك سرلوحه سی قوجامان بر عثمانلى هلالى ، اوچنجى
نومرونك باش مقاله سی ایسه شو ایکی بیت ایله نهایت بولیور :

دوزخ مکانم اولسه ، بکانه جنت عد اولیر ،

عثمانیان ایشیدسه م اولوب تاج سر بره ...

بوپك اهمیتلى مقاله نك برایكى فقره سنى ده نقل ایده م :
بوکون حکمداران اسلامك ملجاء و پناهی ده اطوغریسی الک برنجی استنادکاهی
اولان دولت عثمانیه نك علیه چالیشان اعادینك دسیسه سنه دلداده اولوب ،
اونلرک الفات فساد انکیزانلرینه حالا قاپیله جقمیز ؟
عثمانلیر کندی تنظیمات داخلیه لرله بودرجه مشغول اولدقلری حالده بردقیقه
جق اولسون ایستر ایران اهالیسنى . ایستر قافقاز اهالیسنى اصلا اونودمیورلر .
عثمانلیدن کلن تلغرافنامه لرك مألندن قانمزك اخرنجى دامله سنه قدر ایرانى یالکیز
براقیه جفز ، فکرى بیلنوب طوریر کن بعض عربلر « خلافت امام یحی مستحقدر ،
ادعاسیله تجاوزانه قالیشمه لری نه قدر شایان تأسفدر .

« هلال » ک خوش بر منظومه سی ده وار . ایشته بر قاج مصرعای :

مطلقیت هاردان (نره دن) استحصال ایدرارباب ظلم
اورتاده مملکت بیقان بی قرب جاسوس اولسه ؟
ایلر (سنه) ایله قول اولان ملت نیجه ایشون قیام
حقنى آلق ایچون علمیه مأنوس اولسه
حیات ، ظلم جاسوز رئیس و عجر صرئوس اولمسه .
سهل اولور انسانلره دنیا ده اصرار
فی المثل ایرانیان تأمین استقلال ایدر .
بوم حریت طانیلمش نیجه روس اولمسه ...

شاعرک فرشته الهامی محیطى اونوده رق ، بو قدرجه احرارانه
یروازه باشلا نیجه « بوم حریت اولان نیجه روس » در حال یا قاسنه
یا بشمش و غزته سنى قاپاندقندن باشقه ، کنديسنى ده با کوحبسخانه سنه
طیقامشدر . فقط با کوده حمیتلى زنکینلر و ارایمش ؛ بونلردن بریسی
همان حبسخانه قوشه رق ۷۵۰۰۰ غروش کفالت نقدیه ایله ، « هلال » ک
سر محررى و منظومه نك شاعرى اولان علی عیاض بك قارده شمزى دار

بخارا :

مدرسہ لک امیر می ہفتہ امیرک فرمائی ۔ کانون ٹائمنک
۲۲ سندہ بخارا امیری سید میر عالم جان تورہ حضرتلری بتون بخارا
مفتیلرینہ بر فرمان کوندر مشدر ، کہ خلاصہ سی شودر :

« بخارادہ ہر سہ بیکرلہ طلبہ اکال تحصیل ایدیورلر ، فقط
آرہ لرنندہ حقیلہ عالم اولانلرک عددی بشی کچمیور . طلبہ نیک بویہ نادان
قلمہ لرینک باشلیجہ سبیلری درس لرینہ بر طاقم لزومسنر حاشیہ لریک علاوہ
ایدیلمہ سیدر . اگر بوغمر ضایع ایدن حاشیہ لری اولماسہ یدی ، طلبہ ہیچ
اولمازسہ مسائل شرعیہ حقیلہ اوکرہ نیرلردی . شو کوندن اعتباراً
طلبہ لزومسنر حاشیہ لری او قوتدیرلرسون . برده حدیثہ تفسیر درس لری
رسمی درس اولہرق او قوتدیرلرسون ! »

چوقدنبری مدرسہ لریک اصلاحی طلب ایدن طلبہ لری بو فرماندن
زیادہ سیلہ ممنون اولوب جناب امیرہ دعا و ثنایر ایتدیلر . شیمدی پک
چوق مدرسہ لردہ لزومسنر کتاب و حاشیہ لری بر اقوب یالکز فقہ
واصولدن درسہ شروع ایتمشلردر . بخارادہ یکر می بش بیک طلبہ
موجوددر .

بکی امیرک اصلاحات لری ۔ اسکی امیرلر زمانندہ عسکرلر
آراسندہ ۷۵ سندہ کی اختیارلر ایلہ ۱۴ یاشندہ کی کنجہ لری بر یرده
بولنیورلردی . بولر میانندہ قساق ، کور و ضعیفلری دہ موجود ایدی .
یکی امیر حضرتلری بخارادہ عسکرلک خدمتی دیگر مدنی حکومتلردہ کی
کی بر حال انتظامہ کتیر یلمہ سنی و اختیارلرک ، کورو طوپالارک عسکرلرک
معاف طوتلمہ سنی امر ایتمشدر .

بخارادہ دورت بش یرده مکمل مکتبلر تأسیس ایدیلمہ سہ و بو
مکتبلردہ مکمل تحصیل کورمش افندیلرک معلم تعیین ایدیلمہ سہ
دائرہ برارادہ چیقمشدر .

اسکی امیرلر زمانندہ اہالی عریضہ لرینی امیرہ ویرمکدن عاجز
ایدیلر . شیمدی ایسہ جمعہ کوتلری حضرت امیر جامعہ چیقدیلرندہ
ہر نف اہالیدن پک چوق عریضہ لری بالذات قبول ایدوب حاجت لرینی
اسعاف ایدیور .

آسیای وسطی فلاکتزدکا اعانہ دفتری

چنکک کویندہ قہل مکتب اعدادی عیگری می امرا و ضابطانیہ
مأمورین مالکیہ سی مکتب مذکور شا کردانی طرفندن ترکستان
افتزدکانی ایچون ویرلوب داخلہ یوزبانسیسی مصطفی وحفی افندی
واسطہ سیلہ تسایم قنن :

بارہ غروش				
۳۱۴	امرا و ضابطان ایلہ	مأوین ملکیتہ طرفندن		
۲۰	۲۱۳	۱۸۷	وجودی اعدادی اوچی سہ افندیلری طرفندن	
۲۵	۲۱۸	۱۹۳	ایکینجی	
۳۰	۱۷۰	۳۱۲	برنجی	

صراط مستقیم مطبعہ سی مدیر مسئول : اشرف ادیب

اسلام لہندہ وقوع بولان تشویقات نتیجہ سی اولہرق بر طاقم یکی
اغتشاشاتک ظہوری ملحوظدر . احتمال کہ بردولت اسلامیہ معظمہ
حصولہ کتیر مک امال خیالیہ سی ، بر چوق باشلرک تکرلنمہ سہ سبب
اولہ جقدر .

بوکون عثمانی پادشاہنک تحت ادارہ سندہ بولنان اسلاملر ، بتون
اسلاملرک قلیل بر قسمی تشکیل ایدرلر . ترکلرک اتحاد اسلام آملی ،
بوکون تحت ادارہ لرنندہ کلیتلی مقدارده اسلاملر بولنان روسیہ انکترہ
و فرانسہ بی تہدید ایتمکدہ در .

« اتحاد و ترقی » جمعیتک اتحاد اسلام پروپاگاندا سہ اولان حمایتہ سنک
حکومت عثمانیہ طرفندن بلا واسطہ تمقیب اولنسان املرہ فائدہ ل
اولہ جغنی تصور ایتک مشکلددر .

شون

صراط مستقیم جریدہ اسلامیہ سہ

کندیلری مدنی ایمش کی ایرانندہ کی اغتشاشاتی تسکین ایتک
بہانہ سیلہ اورالہ صوقولوبدہ دین قرداشلرمزہ ، علی الخصوص شایان
مرحت و حمایت اولان بر طاقم مخدرات اسلامیہ انسانیٹک قبول
ایدہ میجکی ناموس شکنانہ تجاوزاتده بولونان روسارہ قارشو مدنیت
وانسانیت نامنہ بیان تاغایدرو بو حالک بزم کی بتون عالم اسلامیہ دہ
دلخون ایلدیکنہ شہہ اولمدیغنی عرض ایلر

داغستانلی قزاقانلی مدرس یکی شہردہ قافقاسیالی
عبدالسلام راغب محمودندیم اوما عیل حق
مترجمی

راغب

ارادہ توکیلفک نصیرلر ایدیللمہ سی ۔ « روسقویہ صاووو »
غز تہ سنک بیاناتہ کورہ ایکینجی و اوچینجی دوما اعضالردن اوفالی
محمد میرزا توکیلف افندی زادکانلر جمعیتہ رئیس انتخاب ایدیلمش
ایسہ دہ ، اوفوالیسی تصدیق ایتہ مشدر .

شیمدی یقدر بتون روسیہ دہ مسلمانلردن یالکز بر زادکان رئیس
بولنوب ، بش سندہ نبری انتخاب و تصدیق ایدیلمہ کلدیکی حالہ ، بوسنہ
اوفوالیسی نک توکیلف حضرتلرینی ہیچ برسبی یوق ایکن تصدیق
ایتہ سہ سی بعض لیبرال روس غز تہ لرینک بیلہ تعجبی موجب اواشددر .
مسلمانلرک بوکی عمومی خدمتلرد انتخاب ایدوب دہ تصدیق اولومہ ملری
بوسنہ پک جو غالمشدر . اوفاولایتی زلاتا اوست ناحیہ سندہ بیطر لہ دائر
معلومات ویرمک ایچون بیطر شاہباز کرای نیکیف افندی قونفرانس
ویرمک ولایت مجلسی طرفندن تبیین اولنمش ایسہ دہ بوسنہ تصدیق
ایدیللمہ مشدر .

کنج آوقالردن ابراہیم آختموف استیناف محکمہ سنک قراریلہ
تکرار ہیئت عدولہ ادخال ایدیلمشدی . فقط « استیناف محکمہ سنک
قراری کافی دکلدر ، بزدن دہ رخصت المادیکز » مآلندہ نظارتدن کلن
بر خبر ابراہیم افندی بی بو خدمتدن الیقومشدر .
بوکی وقعہ لری بوسنہ روسیہ دہ پک چوق اولمشدر .